



Melele ko Rejimwe im Mōkaj kin Wā in Kakajur ko ñan ro 5+ Aer Yiō

(Emōj kōkkāāl melele 10/19/2022)

Opij eo ej bōk eddon kejbarok im bōbrae jen nañinmij (Centers for Disease Control and Prevention, CDC) ej rōjañ bwe aoleb armij ren bōke juon wā in kakajur ewōr ruo kij in kein bōbrae kobban ñan COVID-19 ilo ien aer maron bōke.

CDC ej rōjañ bwe aoleb ro 5 aer yiō im rüttolok ren bōke wā in kakajur ewōr ruo kij in kein bōbrae kobban ilo ien eo remaron tōbrak in bōke. Mennin ekoba armij ro emōjno an enbwinnier maron bōbrae jen nañinmij im rar bōke bar juon wā:

- Aoleb ro ewōr 5 aer yiō im rüttolok emōj rōjañ aer bōke juon wā in kakajur eo ewōr ruo kij in kein bōbrae kobban
 - jab diklok jen ruo allon alikin aer kadedelok jabdewōt mōttan wā ko emōj kōmelim (Johnson & Johnson, Moderna, Novavax Pfizer), AK
 - jab diklok jen ruo allon alikin wā in kakajur ewōr juon kij in kein bōbrae kobban (einwot wā eo jinointata).
 - Ajiri ro ewōr 5 aer yiō remaron tōbrak in bōke wōt wā eo ewōr ruo kij in kein bōbrae kobban an Pfizer ñan wā in kakajur eo aer. Ajiri ro ewōr 6 aer yiō im rüttolok remaron bōke wā in kakajur eo ewōr ruo kij in kein bōbrae kobban an Pfizer ak Moderna.
- Armij ro emōjno an enbwinnier maroñ bōbrae jen nañinmij im rar bōke juon wā an Johnson & Johnson emōj rōjañ aer bōke juon wā mRNA ewōr juon kij in kein bōbrae kobban jen wā kin wā ko jinoin, innem juon wā in kakajur emōj kōkkāāl kin wā eo rekōnaan jab diklok jen ruo allon alikin aer bōke wā eo elablok.
- Armij ro emōjno an enbwinnier maroñ bōbrae jen nañinmij im ro rar bōke wā eo an Johnson & Johnson im juon wā in kakajur ewōr juon kij in kein bōbrae kobban (Johnson & Johnson, Moderna, ak Pfizer) emōj rōjañ aer bōke juon wā in kakajur mRNA ewōr ruo kij in kein bōbrae kobban emōj kōkkāāl (Moderna ak Pfizer) jab diklok jen ruo allon alikin aer bōke wā in kakajur ewōr juon kij in kein bōbrae kobban eo aer aliktata.

- Armij ro rar nañinmij kin COVID-19 ilo raan ko rej kab jemlok remaron kelet in karumijlok aer bök jabdewõt wā, ekoba wā in kakajur, kin jilu allon alikin an walok kakōlkōl ak juon teej in COVID-19 ej kwalok ewōr nañinmij.

Ajiri ro ewōr 6 aer allon ñan 4 aer yiō rejab rōjañ aer bōke juon wā in kakajur ilo ien in. Ajiri ro ewōr 6 aer allon ñan 11 aer yiō ediklok joñan aer bōke wā in Pfizer ak Moderna ko an ajiri.

Wā in kakajur mRNA ewōr juon kij in kein bōbrae kobban emōj kōkkāāl ej mane ruo kain kij in nañinmij ko.

Juon wā in kakajur eo emōj kōkkāāl ewōr mRNA kobban ñan kōmmene jipaik in protein ko jen kij in nañinmij eo jinoin im ej kōmman COVID-19 im jen oktak in Omicron BA.4/5. Mennin enaj lelok kein bōbrae jen oktak in nañinmij ko rej ajeeded kiō im remaron lelok kein bōbrae jen lablok in oktak in nañinmij ko an COVID-19.

Wā in kakajur ko rej jibañ an armij kejbarok an kajur aer maron bōbrae jen nañinmij iomwin ien aitoklok.

Wā ko jinoin rej komman an kajur lok jikin bōbrae eo an enbwin ñan kōmmene antibody ko rej aikuj ñan manne nañinmij eo. Iomwin ien, enaj mōjno an jikin bōbrae eo an enbwin kōmadmōd. Juon wā in kakajur ej jinoe madmōd eo kein kajuon im ekkā an jemlok ilo joñan kein manman kij ko relablok im rej jibañ an armij kejbarok an aitōklok aer maron bōbrae jen nañinmij.

Wā in kakajur ko rej kakajur wāween an enbwinnid bōbrae jen nañinmij iomwin jet raan.

Rej woñmaanlok in katak kin mennin, bōtab jemaron ba alikin jet raan ñan an enbwin maron bōbrae ak emmonlok alikin wā ko jinoin.

Alikin am bōke juon wā in kakajur, rej aikuj lale kwe iomwin 15-30 minit.

Einwõt wā ko kwar bök jinointata, rej aikuj lale armij ñe enaj kaju walok abnōnō ko ibbeir iomwin 15-30 minit alikin aer wā.

Elab jikin ko ewōr wā in kakajur.

Kwōmaroñ bök wā in kakajur ko ewōr ruo kij in kein bōbrae kobban ilo jikin wia wūno ko, opij ko an taktō im jikin taktō ko reddik, einwõt bar wā in COVID-19 ko jinoin ewōr juon kij in kein bōbrae kobban. Kōjberbal [mab in kappok wā](#) ñan kappok juon jikin eo ej lewaj wā iturim ñe ejab kūrlok 211 ak 866-698-6155 ñan bök melele im jibañ ilo jabdewõt kajin. Kein kamool maron tōbrak ejab mennin aikuj, bōtab jet taktō ak jikin ko rej lewaj wā remaron kajitōk kein kamool ilo jeje.

Armij ro 15 aer yiō im rūttolok remaron lelok kōmelim ñan wā.

Iomwin kakien eo an Oregon, ajiri ro 15 aer yiō im rūttolok remaron lelok kōmelim ko aer ñan bōk kōmadmōdin taktō, ekoba wā ko, im juon taktō, taktō in rijibañ, taktō ko rejab lelok uno, nōōj, taktō in ni ak taktō in māj, ak ro jet rej kōmadmōd iomwin laijen ko an rijerbal in ejmour rein, im ejellok kōmelim jen jinen, jemen, ak rikejbarok.

Emaron walok abnōnō ko kin myocarditis im pericarditis (jorrāān ko ilo menono) im elukkun jeja aer walok alikin wā ñan jet armij.

Myocarditis ej ebbōj ilo majel in menono. Pericarditis ej ebbōj ilo jikin eo tōrerein menono eo. Nañinmij kein jimor emōj kōjella kaki ibben jet rinañinmij ro alikin aer bōke wā in COVID-19 mRNA eo (Moderna ak Pfizer). Elablok an keij ko kar walok ibben likao ro 12–39 aer yiō jen ibben kora ak emmaan ro rerūttolok, ak likao ro rediklok. Rikatak ro an wūno im taktō ilo CDC emōj aer katak kin keij kein im loe ke uwōta eo ñan nañinmij kauwōtata jen COVID-19 elablok im lablok an kauwōtata jen uwōta in bōke juon ian nañinmij in menono kein alikin wā. Myocarditis im pericarditis (jorrāān ko ilo menono) elablok aer walok jen juon nañinmij in COVID-19 jen an walok jen wā im elablok aer walok alikin wā eo kein karuo jen wā ko jinoin jen alikin wā in kakajur eo.

Wā in kakajur ko rej letōk kejbarok, ejejjet aer jerbal.

Maroñ loe beba in: Ñan armej ro im elōñ aer utamwe ak armej ro im rejelā juon bar kajin im ejab Kajin Iñliij, OHA emaroñ leļok meļeļe ko ilo wāwein ko jet āinwōt ukok ko, jeje kilep, ak jeje ko an ripilo. Kebaak Jikin Bōk Melele kin COVID-19 ilo 971-673-2411, 711 TTY ak COVID19.LanguageAccess@dhsosha.state.or.us.